



BOSNIA AND HERZEGOVINA
INSTITUTE OF METROLOGY
OF BOSNIA AND HERZEGOVINA

Broj: 01-02-2-671-1/16
Sarajevo, 20.04.2016. godine

Na osnovu člana 4. i 21. Zakona o mjeriteljstvu Bosne i Hercegovine ("Službeni glasnik BiH" broj 19/01), člana 9. Zakona o osnivanju Instituta za mjeriteljstvo Bosne i Hercegovine ("Službeni glasnik BiH" broj 43/04), te člana 61. st. 2. Zakona o upravi ("Službeni glasnik BiH" broj 32/02 i 102/09), a sukladno odredbama člana 11. i 12. Pravilnika o ispitivanju i odobrenju tipa („Službeni glasnik BiH“ broj 67/12), direktor Instituta za mjeriteljstvo Bosne i Hercegovine donosi sljedeću:

INTERNU ODLUKU

o ocjeni usklađenosti neautomatskih vaga u svrhu tipskog odobrenja sklopa i dodjele službene oznake

Član 1

Ovom odlukom uređuje se ocjena usklađenosti neautomatskih vaga u svrhu tipskog odobrenja sklopa i dodjele službene oznake prema Pravilniku o ispitivanju i odobrenju tipa („Službeni glasnik BiH“ broj 67/12) a za vage čiji je proizvođač iz BiH, a u svrhu dobijanja neophodnog tipnog odobrenja od strane Instituta za mjeriteljstvo BiH (u daljnjem tekstu: Institut).

Ista se odnosi i za pravne subjekte registrovane u BiH, a koji se bave uvozom, distribucijom ili servisom mjernih instrumenata za masu.

Član 2

Ova odluka predstavlja interno rješenje, obzirom da nije donesena legislativa koja proizilazi iz Zakona o mjeriteljstvu BiH ("Službeni glasnik BiH" broj 19/01) i Naredbe o neautomatskim vagama („Službeni glasnik BiH“ broj. 47/11), a koja se odnosi na imenovanje tijela za ocjenu usklađenosti, odnosno zahtjeve koje ta tijela trebaju da ispunjavaju.

Član 3

Predmet odluke su sklop neautomatske vage prema modularnom pristupu, gdje su mjerni elementi: mjerna ćelija i mjerni pokazivači, dok je osnova mjerni most ili platforma. U modularnom pristupu se potvrđuje kombinacija svih navedenih elemenata, u kombinaciji dužine mjernog mosta i broja mjernih ćelija, pri tome se koriste WELMEC tabele za proračun kompatibilnosti. Svi elementi vage se definišu u zahtjevu za tipno odobrenje.

Sve mjerne ćelije koje posjeduju, OIML deklaracije o usklađenosti sa ispitnim izvještajima ili izvještaje od nacionalnih mjeriteljskih instituta EU koji imaju prijavljeno tijelo za NAWI, se mogu koristiti u proračunima za modularni pristup, s tim da se iste prilikom prijave zahtjeva za tipno odobrenje navedu i da se za njih obezbijede prateći dokumenti koji dokazuju njihovu usklađenost.



Član 4

Zahtjev podnosi pravno lice u BiH koje prijavljuje ovaj sklop neautomatske vage, koja će se potvrđivati u procesu ispitivanja tipa i ocjene usklađenosti, te koje će ovaj sklop vage distribuirati na teritoriji BiH.

Pravno lice koje je proizvođač i podnosilac zahtjeva je i izvođač osnove mjernog mosta ili platforme, te za iste mora obezbjediti crteže i tehničke podatke.

Član 5

Svi mjerni elementi, tj. pokazni uređaji (indikatori) moraju imati zasebno tipno odobrenje od strane inostranog proizvođača, obzirom da proizvođač iz BiH samo sklapa iste, a Institut samo preuzima validna strana tipna odobrenja

Član 6

Za svako EC tipno odobrenje mjernog pokazivača mora se obezbjediti od strane proizvođača dozvola za korištenje, odnosno autorizaciju za rad sa istim od strane BiH pravnog lica koje sklapa vagu (proizvođač sklopa)

Član 7

Pravno lice u BiH koje podnosi zahtjev je odgovorno za proračune kompatibilnosti, instaliranje i podešavanje vage na licu mjesta.

Član 8

Pravne osobe koje uvoze predmetna mjerila koja su proizvedena van granica BiH, dužne su dostaviti za proizvođača odobrenje tipa mjerila, odobrenje za mjerne elemente i odobrenje vezano za ocjenu usklađenosti sistema kvaliteta od strane prijavljenog tijela u EU. U ovom slučaju proizvođač snosi odgovornost proračuna, instaliranja i podešavanja sklopa vage.

Član 9

Prilikom svake pojedinačne izvedbe ovih vaga na teritoriji BiH, odnosno za vrijeme prve verifikacije i puštanja iste u rad, prisustvovat će ovlašteno lice iz Instituta.

Član 10

Kompletan sklop neautomatske vage mora imati natpisnu pločicu sa sljedećim podacima:

- ime pravnog lica u BiH koje izvodi i postavlja neautomatske vage, koji ima ulogu proizvođača;
- podatak o ugrađenom mjernom pokazivaču, proizvođač i tip;
- podatak o ugrađenim mjernim ćelijama, proizvođač i tip; te broj ugrađenih mjernih ćelija;
- dužina mjernog mosta;
- Max, Min, d, e
- službena oznaka tipa sklopa neautomatske vage
- IMBiH - godina izvedbe i puštanja u rad sklopa neautomatske vage



Član 11

Ukoliko predmetno odobrenje tipa podrazumjeva korištenje više različitih pokaznih uređaja, uključujući i različite proizvođače, isti moraju zadovoljiti WELMEC proračune kompatibilnosti i naknadnu verifikaciju na terenu svakog izvedenog sklopa.

Član 12

Ova interna odluka važi dok se ne steknu uslovi da se upotpunosti implementira Naredba o neautomatskim vagama („Službeni glasnik BiH“, br.: 47/11).

Član 13

U grupi za metrološku oblast mase vodit će se interni registar tijela za ocjenu usklađenosti do momenta izrade i objave odgovarajuće legislative

Član 14

Ukoliko korisnik mjerila nije u stanju obezbjediti navedene dokumente definisane u članovima 3, 4, 5, 6, 7 i 8, ili su dokumenti nepotpuni, zahtjev istog će se odbaciti kao neosnovan.

Član 15

Ova odluka stupa na snagu danom donošenja i ista će se objaviti na web stranici Instituta i oglasnoj ploči.

